

**Skipulagsskrá fyrir
Starfssendurhæfingu Vesturlands**

1. gr.

Starfssendurhæfing Vesturlands er sjálfseignarstofnun með sérstaka stjórn. Heimili og varnarþing hennar er á Akranesi. Stofnunin ber ábyrgð á skuldbindingum sínum með öllum eignum sínum. Hún er ekki háð neinum öðrum lögaðilum. Stofnunin starfar skv. lögum nr. 19/1988.

2. gr.

Stofnendur Starfssendurhæfingar Vesturlands eru: Samtök sveitarfélaga á Vesturlandi kt. 610673-0239, Heilbrigðisstofnun Vesturlands kt. 630909-0740, Símenntunarmiðstöðin á Vesturlandi kt. 540199-3539, Vinnumálastofnun á Vesturlandi kt. 550698-2189, Stéttarfélaga Vesturlands kt. 621074-0249 og Verkalýðsfélag Akraness kt 680269-6889 sem því til staðfestu undirrita skipulagsskrá þessa. Fjárhagslegar skuldbindingar Starfssendurhæfingar Vesturlands eru stofnendum óviðkomandi umfram stofnframlag.

Stofnfé Starfssendurhæfingar Vesturlands er kr. 1.400.000 óskerðanlegt stofnfé að raungildi sem lagt hefur verið fram af stofnaðilum.

3. gr.

- Markmið Starfssendurhæfingar Vesturlands er eftirfarandi:
 - Að endurhæfa þátttakendur til atvinnuþáttöku eða til frekara náms.
 - Að vinna að auknum lifsgæðum þátttakenda og eftir atvikum fjölskyldum þeirra.
 - Að þátttakendur fái þjónustu í heimabyggð ef þess er nokkur kostur.

Boðið verður upp á einstaklingsbunda úrlausn á vanda hvers þátttakanda eins og kostur er á. Samvinna verði við aðrar stofnanir samfélagsins s.s. félagsþjónustu, atvinnulíf, atvinnumiðlun, menntastofnanir og heilbrigðisþjónustu.

Meginforsenda fyrir endurhæfingunni er að þátttakandinn verði sjálfur virkur í sinni endurhæfingu frá upphafi þar sem hann kemur, með virkum hætti, að gerð eigin endurhæfingaráætlunar.

4. gr.

Stjórn Starfssendurhæfingar Vesturlands er skipuð sex fulltrúum til tveggja ára í senn og sex til vara. SSV tilnefnir þrjá fulltrúa, Heilbrigðisstofnun Vesturlands einn fulltrúa, Símenntunarmiðstöðin á Vesturlandi einn fulltrúa og Vinnumálastofnun einn fulltrúa.

Stjórn kýs sér formann og ritara, sem jafnframt skal vera varaformaður til tveggja ára í senn. Formaður kveður til stjórnarfunda og sér til þess að aðrir stjórnarmenn séu boðaðir til þeirra. Falli atkvæði á jöfnu á stjórnarfundum ræður atkvæði formanns úrslitum. Forstöðumaður situr að jafnaði stjórnarfundi með málfrelsi og tillögurétt.



5. gr.

Stjórn Starfssendurhæfingar Vesturlands ber að vinna að markmiðum stofnunarinnar og kemur fram fyrir hennar hönd gagnvart þeim sem veita henni fjárhagslegan stuðning. Stjórnin ber ábyrgð á rekstri, fjárhag og eignum stofnunarinnar. Stjórnin ákveður meginþætti í stefnu og starfstilhögum stofnunarinnar og setur sér og stofnuninni starfsreglur. Boða skal stjórnarfundi með tryggilegum hætti. Stjórnarmaður má ekki taka þátt í meðferð einstaks málს ef málefnið varðar hann persónulega.

6. gr.

Stjórnin skal kalla stofnendur saman til ársfundar eigi síðar en í apríllok ár hvert. Þar skal stjórn Starfssendurhæfingar Vesturlands gera grein fyrir starfi hennar og leggja fram endurskoðaða ársreikninga til samþykktar. Þar skal einnig kosning löggilts endurskoðanda og stjórnarfulltrúa fara fram. Á ársfundi gildir einfaldur meirihihluti og hver fulltrúi stofnenda hefur eitt atkvæði nema varðandi breytingar á skipulagsskrá samanber 11. grein. Ársfund skal boða skriflega með viku fyrirvara. Tillögu um breytingar á skipulagsskrá Starfssendurhæfingar Vesturlands skal getið sérstaklega í fundarboði.

7. gr.

Stjórn Starfssendurhæfingar Vesturlands ræður forstöðumann og setur honum erindisbréf. Forstöðumaðurinn ber ábyrgð gagnvart stjórn stofnunarinnar. Hann annast daglegan rekstur, ræður starfsfólk stofnunarinnar, vinnur að fjárlun og annast reikningsskil. Forstöðumaður undirbýr fjárhagsáetlun næsta starfsárs, sem skal lögð fyrir stjórnina í nóvember ár hvert.

8. gr.

Tekjur Starfssendurhæfingar Vesturlands, auk vaxta af stofnframlagi, eru frjáls framlög frá ríki, sveitarfélögum, samtökum, fyrirtækjum og einstaklingum og tekjur af þjónustu.

9. gr.

Til þess að Starfssendurhæfing Vesturlands geti náð megintilgangi sínum er stjórninni heimilt, fyrir hönd miðstöðvarinnar, að eiga samstarf við aðra og gerast í því skyni aðili að samstarfssamningi um lengri eða skemmri tíma.

10. gr.

Reikningsár Starfssendurhæfingar Vesturlands er frá 1. janúar til 31. desember ár hvert. Forstöðumaður skal eigi síðar en í lok marsmánaðar leggja fram eftirtalin gögn fyrir stjórn miðstöðvarinnar til afgreiðslu: Fyrsta reikningstímabil er frá stofnun sjálfseignarstofnunar til næstu áramóta.



- Skýrslu um starfsemi síðasta starfsárs.
- Endurskoðaðan ársreikning liðins starfsárs.

Reikningar Starfsendurhæfingar Vesturlands skulu endurskoðaðir af löggiltum endurskoðanda. Endurskoðaðir reikningar skulu sendir Ríkisendurskoðun eigi síðar en 30. júní ár hvert fyrir næstliðið ár ásamt skýrslu um hvernig fé stofnunarinnar hefur verið ráðstafað á því ári.

11. gr.

Skipulagsskrá þessari verður aðeins breytt ef 2/3 fulltrúa á ársfundi samþykkir slíkar breytingar enda sé fundur lögmætur og tillaga um slíkt hafi verið kynnt sérstaklega í fundarboði. Jafnfamt þarf að liggja fyrir samþykki allra stjórnarmanna fyrir breytingunum. Slíkt skal svo borið skriflega undir embætti sýslumannsins á Sauðárkróki.

12. gr.

Starfsemi Starfsendurhæfingar Vesturlands verður slitið með ákvörðun 2/3 fulltrúa á ársfundi. Jafnframt þarf að liggja fyrir samþykki allra stjórnarmanna fyrir slitunum. Slíkt skal svo borið skriflega undir embætti sýslumannsins á Sauðárkróki. Verði starfsemi Starfsendurhæfingar Vesturlands hætt og lögð niður skal eignum hennar ráðstafað í samræmi við markmið stofnunarinnar.

13. gr.


Um reikningshald fer að lögum nr. 19/1988 um sjóði og stofnanir sem starfa samkvæmt staðfestri skipulagsskrá.


14. gr.

Leita skal staðfestingar sýslumannsins á Sauðárkróki á skipulagsskrá þessari, sem og breytingum sem kunna að verða gerðar á henni.


Undirskriftir stofnenda



f.h. Samtaka sveitarfélaga á Vesturlandi


f.h. Heilbrigðisstofunar Vesturlands


f.h. Stéttarfélags Vesturlands


f.h. Símenntunarmiðstöðvar Vesturlands


f.h. Vinnumálastofunar


f.h. Verkalýðsfélags Akraness

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Jónas flid. Þ
Sj QB ÞA